



3. Radunanza cumünela dals 30.06.2015 a las 20.00 in sela polivalenta S-chanf

Presidi: Duri Campell

Actuar: Duri Schwenninger

Preschaints: Preschaints sun 18 votantas e votants

Scrutinaduors: Scu scrutinadur vegn elet Ludwig Denoth

Tractandas:

1. Protocol da la radunanza dals 12.06.2015
2. CEE, revisiun totela dals statüts
3. Revisiun totela constituziun cumünela
4. Varia

La glista da tractandas vain approveda sainza objecziuns.

Protocol: Il protocol da la radunanza cumünela dals 12 gün 2015 vain approvo cun adatter il resultat da la votaziun regard ils statüts da la regiun Malögia.

12 0.350 Corporaziun dals cumüns concessiunaris CEE CEE, revisiun totela dals statüts

Il president fo ün'introducziun e surdo il pled al president da la giunta dal CEE, a Not Carl. Quel preschainta la corporaziun e spiega quaunt important chi saja, dad esser organiso in ün möd compact per fer las trattativas i'l sector perplex da l'energia electrica. Ils statüts actuels dateschan da l'an 1963 e sun gniesu revais parzielmaing l'an 1988. La corporaziun es gnida fundeda a sieu temp per facilitar il contact administrativ cun las Ouvres Electricas d'Engiadina, impustüt per que chi riguarda las furniziuns d'energia e'ls differents pajamaints previs seguond la concessiun a favur dals cumüns concessiunaris. Uschè haun, impustüt las Ouvres Electricas d'Engiadina, pudieu spargner bain quaunta lavur. Eir per las vschinaunchas es que però sto d'avantag, na in ultim per que chi riguarda la survista, la trasparenza e la speditivited. Impü haun las vschinaunchas eir gieu cun la corporaziun ün organ adatto pel scumpart da la munaida our da la chascha dals 5% dals fits d'ova. Ils statüts actuels cuntrafaun per part al dret superior e sun cun que dafatta invalids. Impustüt nu's cunfaun els pü cun tscherts novs principis democratics regard las proceduras e la protecziun dal dret. Daspö cha la ledscha „StromVG“ es entreda in vigur als 1. schner 2009 es la corporaziun eir sün quel sector adüna darcho confruntada cun dumandas fich complexas. Eir que pretenda ün adattamaint dals statüts. Finelmaing sun eir las trattativas venturas in vista a la scadenza da la concessiun ün bun motiv per adatter ils statüts in concordanza cul dret superior ed

als der üna taimpra adatteda al temp d'hoz. Our dal ravuogl vain fat attent, cha i'ls novs statüts nun es pü visibel che vschinaunchas chi sun concessiunarias e che vschinaunchas chi sun acziunarias. Not Carl spiega, chi nu saja pü pussibel da müder ils statüts, ma chi's po in mincha cas agiundscher tar l'agiunta la declaraziun. Zieva animeda discussiun regard la chascha dals 5% e zieva chi po gnir exclus ch'ün'unica vschinauncha po decider da sbasser u uzer il fit, decida la radunanza unanimamaing d'accepter ils novs statüts da la CEE.

13 0.110 Legislativa Constituziun cumünela, revisiun totela

Il president fo ün'introducziun e spiega, cha'l prüm es da decider d'entrer in chosa e zieva decider che varianta, la varianta cun votaziuns a l'urna u la varianta existenta be cun radunanzas cumünelas. Ch'el fatscha la proposta, da decider a las 22.15 da cuntinuer e glivrer gio u da serrer la radunanza e da cuntinuer ils 01.07.2015 cun la tractanda. La radunanza es perincletta cun l'agir. Il president da la cumischiun, Gian Fadri Largiadèr declera, cha'ls 30 avrigl 2014 ho la radunanza cumünela tschernieu üna cumischiun, chi'd es incumbeneda d'elavurer la constituziun cumünela scu eir las ledschas e las ordinaziuns cumünelas e da suottametter las revisiuns totelas respectivas a la radunanza cumünela. Commembers da quista cumischiun sun: il president cumünel Duri Campell, il president da vschins Claudio Caratsch, Peter Fischer, Heinz Thomas, Gianni Largiadèr e l'actuar Duri Schwenninger, el cun vusch consultativa. Zieva cha la ledscha da scoula es gnida elavureta scu prüma, per motivs d'actualited, ed es gnida approveda dal suveraun ils 20 avuost 2014, haun ils commembers da la cumischiun piglio per mauns l'elavuraziun da la constituziun cumünela dals 22-08-2007, revaisa parzielmaing ils 30-04-2014 ed ils 20-08-2014. Düraunt 14 tschantedas da la cumischiun s'ho analiso la constituziun actuela e discuto detagliedamaing eventuelas modificaziuns. A s'ho piglio suot la marella e stüdgio a fuonz üna granda quantited da detagls e pondero las consequenzas per la vschinauncha da S-chanf e sia populaziun.

Böts da la revisiun totela:

- Mantgnair resp. amplificher ils drets politics dals singuls burgais
- Garantir la separaziun d'activiteds strategicas ed operativas illa vschinauncha
- Structurer la constituziun in lingua rumauntscha e la render chapibla da maniera clera e persistenta
- Propostas da soluziuns per puncts debels dal passo (minchadi politic)

Zieva haun ils commembers da la cumischiun elavuro duos propostas actuelas per üna revisiun totela da la constituziun cumünela. Impü ho il cussagl cumünel eir tratto las propostas e sustegna unic la proposta 1 cun la votaziun a l'urna. La populaziun ho gieu la pussibilited da cooperer dals 13 avrigl 2015 fin als 1. meg 2015. Düraunt il temp da cooperaziun nu sun entredas üngünas propostas. In occasiun da la radunanza d'orientaziun dals 22 avrigl 2015 es gnida preschanteda ed explicheda in detagl la proposta da revisiun (varianta 1 e 2). Impü haun ils commembers da la cumischiun evaluo las propostas fattas in radunanza in lur tschanteda dals 6 meg 2015. Zieva chi sun gnidas dedas las spiegaziuns da basa decida la radunanza unanimamaing d'entrer in chosa. Gian Fadri Largiadèr muossa in fuorma d'üna preschantaziun ils avantags da las votaziuns da l'urna ed eir la partecipaziun dals votants a radunanza ed a l'urna. Zieva animeda discussiun per e cunter decida la radunanza cun 9 cunter 9 vuschs e'l tagl da vusch tres il president per la varianta 1, votaziuns a l'urna. Siand chi'd es las uras 22.05 propuona il president da serrer la radunanza e da cuntinuer la tractanda cun la lectüra da la constituziun illa radunanza dals 01.07.2015. El ingrazcha per la cumparsa.

Cuntinuaziun tractanda 3, ils 01. lügl 2015 a las uras 20.00 in sela polivalenta S-chanf

Presidi: Duri Campell

Actuar: Duri Schwenninger

Preschaints: Preschaints sun 18 votantas e votants

Scrutinaduors: Scu scrutinadur vegn elet Ludwig Denoth

Il president salüda als preschaints e propuona da cuntinuer la tractanda cun fer üna lectüra dal la constituziun. Ils preschaints sun perinclets cun l'agir.

Artichel 2 (autonomia)

¹Ün votant fo attent, ch'in seguit vegnan manzunedas las ledschas superiuras cun federelas e chantunelas, in quist'alinea es però formulo suotsur. Il müdamaint vain effectuo.

²La formulaziuned ogets in sieu possess vain rimplazzo cun ed ogets sün sieu territori.

Artichel 4 (B. in particuler)

B)Our dal ravuogl vain fat la proposta d'agiundscher tar la sgürezza publica eir l'organisaziun da catastrofas. Quel adattamaint vain decis.

Artichel 12 (demischiun)

Our dal ravuogl vain fat la proposta da formuler pü cler l'artichel 12. Zieva cuorta discussiun decida la radunanza da formuler seguaintamaing l'artichel:

¹Sch'ün commember d'ün'autorited cumünela voul sortir sün la fin dal trienni, ho'l da comunicher sia demischiun in scrit a la suprastanza cumünela fin la fin da settember.

Artichel 15 (motivs d'exclusiun)

²Our dal ravuogl vain fat la proposta da rimplizzer il pled „per“ cun „traunter commembers“.... Quist müdamaint vain effectuo.

Artichel 16 (motivs d'incumpatibilited)

³ La radunanza decida cun granda magiurited e 5 cuntravuschs da müder la formulaziun da l'alinea seguaintamaing: Commembers da la suprastanza cumünela nu paun esser al medem mumaint commembers da la suprastanza vschinela.

Artichel 19 (dret d'iniziativa)

²Our dal ravuogl vain fat la proposta da rimplizzer „i'l“ cun „dal chantun Grischun“....

Artichel 21 (retratta da l'iniziativa)

Our dal ravuogl vain fat la proposta da stricher „da tuot temp“. Quist müdamaint vain effectuo.

Artichel 23 (moziun)

¹Our dal ravuogl vain fat la proposta da formuler seguaintamaing l'alinea: suot varia ho mincha votant chi fo part a la radunanza cumünela, il dret da fer propostas da tuot gener. Quist müdamaint vain effectuo.

²Our dal ravuogl vain fat la proposta da stricher la formulaziun ..., „insembel cun ün güdicat“, infra..... Quist müdamaint vain effectuo.

Artichel 24 (d'infurmaziun)

¹Our dal ravuogl vain fat la proposta da scurnir la formulaziun, il müdamaint vain effectuo e l'alea 1 vain formuleda seguaintamaing: mincha votant chi fo part a la radunanza cumünela po dumander suot la tractanda varia infuormaziuns. Suot varia nu paun gnir trattas üngünas decisiuns.

²Our dal ravuogl vain fat la proposta da rimplizzer la formulaziun «l'infurmaziun es» cun «respostas sun». Quel müdamaint vain effectuo.

Artichel 31 (la votaziun a l'urna-cumpetenzas)

Our dal ravuogl vain fat la proposta da stricher las cifras 6 e 7 e da der la cumpetenza da decider a la radunanza invezza a la votaziun da l'urna. Zieva animeda discussiun decida la radunanza cun 10 cunter 6 vuschs ed 1 abstenziun da fer il müdamaint.

Artichel 32 (procedura)

Our dal ravuogl vain fat la proposta da formular seguaintamaing l'artichel:

«Tar tshernas e votaziuns a l'urna es da trametter la documentaziun als votants il pü tard duos eivnas aunz il di da votaziun. In occasiun d'üna radunanza cumünela precedainta vegnan preparos tuot ils affers chi vegnan decis tenor artichel 31 a l'urna». Il müdamaint vain effectuo.

Artichel 33 (la radunanza cumünela-cumpetenzas)

Resguardand la decisiun da la radunanza da l'artichel 31 vegn agiunt quist artichel cun las cifras 8 e 9 seguaintamaing:

7. Conceder
8. Decider davart la collavuraziun cun vschinaunchas, cooperaziuns ed instituziuns;
9. La fusiun cun otras vschinaunchas.

Artichel 34 (convocaziun, tractandas)

²Our dal ravuogl vain fat la proposta da rimplizzer la formulaziun „ogets da trattativas“ cun „affers“. Quist müdamaint vain effectuo.

Artichel 47 (incumbenzas e cumpetenzas)

5. Our dal ravuogl vain fat la proposta da rimplizzer il pled „cumpilier“ cun „preparer“. Quist müdamaint vain effectuo.

9. Our dal ravuogl vain fat la proposta da preciser la formulaziun seguaintamaing: stipuler contrats cun üna düreda da maximelmaing 5 ans davart fatschendas, scha lur evasiun sto illa cumpetenza da la suprastanza.

10. Stipuler contrats agriculs; scha l'evasiun sto illa cumpetenza da la suprastanza. Quists müdamaints vegnan effectuos.

L'alea vain adatteda seguaintamaing:

12. Fixer las taxas d'ervedi per la muaglia e stipuler ils contrats da stadageda.
13. Tscherner il post da revisiun.
14. Decreter ün quadern da dovairs per mincha decasteri.

³A la suprastanza cumünela suprasto que da fer las seguaintas tshernas e nominas:

- a) Our dal ravuogl dals suprastants: ils suprastants dals singuls decasteris e lur substituets.
- b) La cumischiun da fabrica e la cumischiun da lavinas, il rapreschantant illa cumischiun dals fondos e duos rapreschantants illa cumischiun per fats sociels.
- c) Ils commembers dal büro electorel.
- d) Ils impiegos e'ls funcziunaris cumünels, sainza la magistraglia.
- e) Ils delegios in consorzis ed associaziuns.

Artichel 53 (incumbenzas cumischiun da gestiun)

¹Our dal ravuogl vain fat la proposta da rimplizzer seguaintamaing la formulaziun da l'alineia 1 cun la formulaziun da l'artichel 20 alineia 1 dals tschantamaints pel mumaint auncha valabels: la cumischiun da gestiun examinescha ils affers da l'administraziun cumünela, impustüt eir la gestiun dal cussagl cumünel, il forestel ed ils fondos e legats. Quist müdamaint vain fat e las alineas 2 fin 3 restan scu propost.

Artichel 57 (administraziun cumünela)

Our dal ravuogl vain fat la proposta da stricher il pled „administrativmaing“. Quel müdamaint vain effectuo.

Artichel 58 (Chanzlist cumünel)

Our dal ravuogl vain fat la proposta da na numner il chanzlist cumünel scu schef da persunel, dimpersè il chanzlist dess fer l'administraziun da persunel. Zieva cuorta discussiun decida la radunanza cun 10 cunter 4 vuschs ed 3 abstenziuns da prevzair nov il chanzlist scu schef dal persunel.

Artichel 62 alineia c;

Our dal ravuogl vain fat la proposta da müder il pled giodia cun giodida. Quist müdamaint vain effectuo.

Artichel 63 (impostas e taxas)

Our dal ravuogl vain fat la proposta da stricher „multas“ e da numner in plural „sieurs bsögns finanziaels“. Quist müdamaint vain effectuo.

Artichel 70 (revisiun)

Our dal ravuogl vain fat la proposta da rimplizzer il pled „la decisiun“ cun „l'approvaziun“. Quist müdamaint vain effectuo.

Zieva ch'üngün nu voul pü revgnir ad ün artichel decida la radunanza cumünela cun 18 cunter 0 vuschs e 0 abstenziuns illa votaziun finela, d'approver la revisiun totela e cun que d'accepter la nouva constituziun cumünela.

14 9.999 Varia

Ils commembers da la cumischiun ingrazchan als preschaints per la buna collavuraziun e las bunas discussiuns düraunt las 2 sairas.

Il president serra la radunanza a las 22.15 ed ingrazcha a tuot ils preschaints per lur cumparsa.

In buna fè

Il president:

L'actuar:

D. Campell

D. Schwenninger